

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԷՍ-2019/31, 04.03.2019թ.

Բողոք բերող անձ՝ Անուշ Պետրոսյան Ա/Ձ

Պատվիրատու՝ ՀՀ ֆինանսների նախարարություն

Գնման ընթացակարգի ծածկագիրը և առարկան՝ ՀՀ ՖՆ-ԳՀԾՁԲ-19/8 ծածկագրով գնանշման հարցում / էլեկտրական սարքերի, սարքավորումների վերանորոգման և պահպանման ծառայությունների ձեռքբերում.

Բողոքի պահանջը՝

Պարտավորեցնել ՀՀ ֆինանսների նախարարության կողմից էլեկտրական սարքերի, սարքավորումների վերանորոգման և պահպանման ծառայությունների ձեռքբերման նպատակով հայտարարված ՀՀ ՖՆ-ԳՀԾՁԲ-19/8 ծածկագրով գնանշման հարցման ընթացակարգի գնահատող հանձնաժողովին՝ փոփոխել Ընթացակարգի թիվ 5 հավելվածին՝ պայմանագրի նախագծին կից ներկայացված թիվ 1 հավելվածով՝ տեխնիկական բնութագիր-գնման ժամանակացույցով նախատեսված ծառայության նկարագիրը և այն համապատասխանեցնել գնումների մասին ՀՀ օրենսդրությամբ սահմանված պահանջներին:

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին
հասցե՝ ք. Երևան, Կոմիտաս 54 բ. շենք

Բողոք քերող անձ՝ «Անուշ Պետրոսյան» Ա/Ձ
հասցե՝ ք. Երևան, Արշակունյաց 5
թ. - ՇՊ ավ. ա. 053 991955

Պատվիրատու՝ ՀՀ Ֆինանսների նախարարություն
հասցե՝ ք. Երևան, Մելիք-Աղամյան 1

Գնման ընթացակարգի ծածկագիրը և առարկան՝ «ՀՀ ՖՆ-ԳՀՇՁԲ-19/8»
ծածկագրով գնանշման հարցման մրցույթ,
էլեկտրական սարքերի, սարքավորումների
վերանորոգման և պահպանման ծառայությունների ձեռքբերում

ԲՈՂՈՔ

1. Բողոքի առարկան, փաստացի հիմքերը և ապացույցները.

ՀՀ Ֆինանսների նախարարության /այսուհետ նաև՝ Պատվիրատու/ կողմից էլեկտրական սարքերի, սարքավորումների վերանորոգման և պահպանման ծառայությունների ձեռքբերման նպատակով հայտարարվել է «ՀՀ ՖՆ-ԳՀՇՁԲ-19/8» ծածկագրով գնանշման ընթացակարգ /այսուհետ նաև՝ Ընթացակարգ/:

Ընթացակարգը հայտարարվել է գնահատող հանձնաժողովի /այսուհետ նաև՝ Հանձնաժողով/ 2019 թվականի փետրվարի 27-ի թիվ 1 որոշմամբ:

Ընթացակարգի հրավերի թիվ 5 հավելվածին պայմանագրի նախագծին կից ներկայացված թիվ 1 հավելվածով տեխնիկական բնութագրով /այսուհետ նաև՝ Տեխնիկական բնութագիր/ սահմանվել է հետևյալը.

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԳԱՅՈՒՅՑ

ՀՀ դրամ

| Ծառայության | | | | | |
|-------------|--------------------------------------|-----------------------|-----------------------------|-------------------------|----------------------------|
| Չ/Հ | գնումների պլանով նախատեսված միջանցիկ | տեխնիկական բնութագիրը | չափման առավելագույն միավորը | տրամադրված գինը/ՀՀ դրամ | մատուցման ընդհանուր քանակը |
| | | | | | |

ԿԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ
ԱՇԽԱՏԱԿԱՐԳ
ՄՏԻՑ N 9046
A 04 03 2019

| ծածկագիրը՝ ըստ ԳՄԱ դասակարգման (CPV) | | | | | | հասցեն | Ժամկետը |
|---|------------|---|------|--|---|---|--|
| 1 | 50531200/1 | Ներսեյակային և լուսամուտագոգերին ամրացված, կից ցանկով ներկայացված մակիչների օդորակիչների մշտական սարքին վիճակում պահպանում: Նշված պահանջի իրականացման համար կատարողը պարտավոր է վերանորոգել, մշտապես սպասարկել, լիցքավորել, ապամոնտաժել, տեղադրել օդորակիչները: | դրամ | | 1 | Ք. Երևան Մելիք-Աղաչյան 1, Կոմիտասի 54բ, Մազմանյան 5 | Կնքվելիք պայմանագիրն ուժի մեջ մտնելու օրվանից մինչև 2019թ. դեկտեմբերի 20-ը պատվիրատուի կողմից ներկայացվող պահանջի հիման վրա: |

Ծառայության նկարագիրը

Օդորակիչների մշտական անխափան աշխատանքն ապահովում է ծառայություն մատուցողը պայմանագրի գործողության ընթացքում՝ սեփական միջոցներով և պատասխանատվությամբ իրականացնելով կից ցանկում նշված օդորակիչների անխափան և նպատակային աշխատանքի համար պահանջվող ցանկացած տեսակի աշխատանքներ:

Օդորակիչների սպասարկման և վերանորոգման ընթացքում օգտագործվող ցանկացած պահեստամաս, նյութ, աշխատանք, ծառայության վճար և ցանկացած տեսակի այլ ծախս, ինչպես նաև տեղափոխման, տեղադրման, ապամոնտաժման համար անհրաժեշտ միջոցները տրամադրում և իրականացնում է ծառայություն մատուցող կազմակերպությունը, որոնց արժեքը ներառվում ծառայության մատուցման՝ պայմանագրով սահմանված գնի մեջ Բացի այդ, սպասարկման և վերանորոգման ենթակա սարքավորումների (227 հատ) տեղափոխումը վերանորոգման կետ ու վերադարձը ևս, իրականացնում է ծառայություն մատուցող կազմակերպությունը՝ ք. Երևան, Մ.Աղաչյան-1, Կոմիտասի 54բ և Մազմանյան 5 հասցեներից: Ընդ որում, պայմանագրով նախատեսված գինն իր մեջ ներառում է պայմանագրի գործողության ողջ ընթացքում օդորակիչների մշտական և անխափան աշխատանքի ապահովման համար կատարողի ծառայության տարեկան վճարը: Այսինքն, կատարողը պարտավոր է պայմանագրով նախատեսված ծառայությունը մատուցել պայմանագրի գործողության ողջ ընթացքում և դրա համար իրավասու չէ պատվիրատուից պահանջել լրացուցիչ գումար:

Ծառայություն մատուցումը.

- 1) Ծառայություն մատուցողը պարտավոր է սույն պայմանագիրն ուժի մեջ մտնելուց հետո առավելագույնը 25 աշխատանքային օրվա ընթացքում **վերանորոգել (ապահովել անխափան և նպատակային աշխատանքը) պահեստային մասում առկա թվով 4 (չորս) ապամոնտաժված և անսարք օդորակիչները, որոնք ըստ անհրաժեշտության ծառայելու են տեղադրված օդորակիչների փոխարինման (այդ թվում՝ ժամանակավոր) համար.
- 2) Ծառայություն մատուցողը պարտավոր է Պատվիրատուի կողմից ***ծանուցում ուղարկելուց հետո առավելագույնը 2 (երկու) աշխատանքային ժամվա ընթացքում մոտենալ ծառայության մատուցման՝ ծանուցման մեջ նշված հասցե և վերանորոգել այն: Ընդ որում, տեղում վերանորոգումը պարտավոր է

իրականացնել առավելագույնը 7 աշխատանքային ժամվա ընթացքում: Կա հակասություն երկու գրվածք միջև եթե կոնկրետ օդորակչի վերանորոգումը տեղում հնարավոր չէ կամ դրա տևողությունը գերազանցելու 7 աշխատանքային ժամը, ապա ծառայություն մատուցողը պարտավոր է այցի օրվանից հաշված 1 աշխատանքային օրվա ընթացքում ապամոնտաժել խափանված օդորակիչը, դրա փոխարեն տեղադրել պահեստային մասում առկա վերանորոգված օդորակիչներից մեկը, իսկ ապամոնտաժվածը տեղափոխել վերանորոգման համար պահանջվող վայր՝ վերանորոգելով այն առավելագույնը 25 աշխատանքային օրվա ընթացքում:

- 3) Ծառայություն մատուցողը պարտավոր է բացի ծանուցման հիմքով կատարվող աշխատանքներից պարբերաբար (այն հաճախականությամբ, որը ցուցված է օդորակիչների արտադրողների կողմից) կատարել օդորակիչների պրոֆիլակտիկա (նեոսի և դրսի բլոկների փոշեզրկում, վացում, ֆիլտրների մաքրում և փոխարինում և այլն):
- 4) Սույն պարբերության 3-րդ կետում նշված պրոֆիլակտիկայի շրջանակում օդորակիչների աշխատանքի մեջ խնդիրներ հայտնաբերելու դեպքում սեփական նախաձեռնությամբ իրականացնել դրանց վերանորոգումը՝ սույն տեխնիկական բնութագրով սահմանված պայմաններով և ժամկետներում:

Սյլ պարտականություններ և պատասխանատվությունը.

- 1) Կատարված աշխատանքների ավարտից հետո՝ սույն օրը Ծառայություն մատուցողը պարտավոր է կազմել ****տեղեկանք կատարված աշխատանքների վերաբերյալ և ներկայացնել ՀՀ ֆինանսների նախարարության պատասխանատուի ստորագրմամբ: Ընդ որում, ՀՀ ֆինանսների նախարարության պատասխանատուն ստորագրում է տեղեկանքը, եթե վերանորոգման արդյունքում օդորակիչը հնարավոր է օգտագործել նպատակային նշանակությամբ: Տեղեկանքը չստորագրելու դեպքում այդ մասին նշվում է տեղեկանքով և Ծառայություն մատուցողի նկատմամբ անպատշաճ որակի մատուցած ծառայության յուրաքանչյուր դեպքի համար կիրառվում է պայմանագրով նախատեսված տուգանք՝ պայմանագրի գնի 1,5 (մեկուկես) տոկոսի չափով՝ բացառությամբ մեկ եռամսյակի ընթացքում հայտարարված 3-րդ դեպքի: Նման դեպքերում, եթե մեկ եռամսյակի ընթացքում 3 (երեք) և ավել անգամ մատուցվել է սույն տեխնիկական բնութագրին անհամապատասխան ծառայություն, այսինքն՝ սահմանված ժամկետում օդորակիչը չի վերանորոգվել և դրա հետևանքով տեղեկանքը ՀՀ ֆինանսների նախարարության պատասխանատուի կողմից չի ստորագրվել ապա պատվիրատուն պարտավոր է միակողմանիորեն լուծել պայմանագիրը կամ ծառայություն մատուցողի նկատմամբ կիրառել տուգանք՝ պայմանագրի գնի 20 (քսան) տոկոսի չափով: Սույն կանոնը տարածվում է յուրաքանչյուր եռամսյակի նկատմամբ:

- 2) Եթե ծառայություն մատուցողը ստանալով պատվիրատուի կողմից տրված ծանուցումը խախտում է այն՝ ապա պատվիրատուն կիրառում է տույժ՝ յուրաքանչյուր ուշացած ժամի համար պայմանագրի գնի 0,2 տոկոսի չափով, բայց ոչ ավել քան 24 աշխատանքային ժամվա համար: 24 աշխատանքային ժամը լրանալու դեպքում կիրառվում է վերոնշյալ տույժը և տուգանք՝ պայմանագրի գնի 10 (տասը) տոկոսի չափով: Սեն եռամսյակի ընթացքում 5 և ավել անգամ ժամկետի խախտման դեպք արձանագրվելու դեպքում պատվիրատուն պարտավոր է միակողմանիորեն լուծել պայմանագիրը կամ կիրառել տուգանք՝ պայմանագրի գնի 20 (քսան) տոկոսի չափով: Սույն կանոնը տարածվում է յուրաքանչյուր եռամսյակի նկատմամբ: Ծառայություն մատուցողի մուտքը արձանագրվում է տեղեկանքում կատարողի կողմից շենք մուտք գործելու պահին՝ կողմերի ստորագրությամբ:

Ծառայություն մատուցողը պարտավոր է յուրաքանչյուր ամսվա ընթացքում կատարված աշխատանքների վերաբերյալ պատվիրատուին ներկայացնել հաշվետվություն՝ ոչ ուշ քան մինչև հաջորդ ամսվա 10-ը: Սույն պարտականության խախտման համար կիրառվում է տույժ՝ ուշացած յուրաքանչյուր օրվա համար պայմանագրի գնի 0,1 տոկոսի չափով:

* Սույն տեխնիկական բնութագրի շրջանակում «օդորակիչ» հասկացությունն իր մեջ ներառում է օդորակիչները իրենց պատկանելիքներով (ներքին և արտաքին խողովակներ, կառավարման վահանակներ և ցանկացած այլ տեսակի սարքավորումներ, նյութեր, տվիչներ, դետալ, ֆրեոն գազ և այլն):

** Սույն տեխնիկական բնութագրի շրջանակում «վերանորոգել» հասկացությունն իր մեջ ներառում է օդորակիչների անխափան, նպատակային (օդորակիչների տեխնիկական անձնագրով/բնութագրով նախատեսված կարգով) աշխատանքի համար պահանջվող գործողությունների, աշխատանքների, ծառայությունների ամբողջություն:

*** Պատվիրատուի կողմից պահանջը ներկայացվում է էլեկտրոնային ծանուցմամբ և հեռախոսակապի միջոցով մասնակցի կողմից տրամադրված հեռախոսահամարին (հեռախոսահամարը պետք է լինի մշտակապես հասանելի) գանգի միջոցով: Պահանջը ստանալուց հետո 2 ժամվա ընթացքում համապատասխան մասնագետը այցելում է համապատասխան հասցե օդորակիչը վերանորոգելու համար: Ընդ որում, Ծառայություն մատուցողի/աշխատակցի այցի ժամը ֆիքսվում է վերջինիս և ՀՀ ֆինանսների նախարարության ներկայացուցչի հետ շենք մուտք գործելու պահին ստորագրվող ****տեղեկանքում:

*** Սույն տեխնիկական բնութագրի շրջանակում միևնույն տեղեկանքում նշվում է ինչպես շենք մուտք գործելու ժամը, այնպես էլ «Այլ պարտականություններ և պատասխանատվությունը» բաժնում նախատեսված տեղեկատվությունը:

ԾԱՆՈԹՈՒԹՅՈՒՆ

*Նախորդ 2 տարիների ընթացքում վերանորոգվել են առկա օդորակիչների մոտ 30%-ը

Պատեստային մասում առկա են թվով 4 հատ անսարք օդորակիչ

Օդորակիչների տեխնիկական վիճակի վերաբերյալ տեղեկատվությունը ներկայացված է հրավերը հրապարակելու օրվա դրությամբ:

Անսարք վիճակում են գտնվում ԱՏՍ-ի սենյակի Vega 12000 BTU, արխիվի աստիճանավանդակի Vestel 12000 BTU մակնիշի օդորակիչները

Մասնակիցը մինչև մրցույթը կարող է ծանոթանալ տարածքներում առկա բոլոր օդորակիչների տեխնիկական վիճակին: Ընդ որում տեխնիկական վիճակին չծանոթանալը չի կարող հիմք հանդիսանալ պայմանագրով սահմանված պարտականությունների չկատարման համար:

www.gnumner.am և www.armeps.am համացանցային պաշտոնական կայքերում

հապարակվել է Ընթացակարգի հրավերը, որի համաձայն հայտերի բացման նիստը պետք է տևի ունենա 2019թ. մարտի 6-ին ժամը 11:00-ին:

2. Բողոքի հրավական հիմքերը.

«Գնումների մասին» 22 օրենքի /այսուհետ նաև՝ Օրենք/ 3-րդ հոդվածի 1-ին և 2-րդ մասերի համաձայն.

1. Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կտրուրման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին և 2-րդ մասերի համաձայն.

1. Տանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

2. Գնումների գործընթացին որևէ երկրի ռեզիդենտ հանդիսացող անձի (անձանց) մասնակցությունը կարող է սահմանափակվել միայն Հայաստանի Հանրապետության կառավարության որոշմամբ, եթե դա անհրաժեշտ է Հայաստանի Հանրապետության ազգային անվտանգության և պաշտպանության ապահովման համար:

Օրենքի 13-րդ հոդվածի համաձայն.

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չիմնավորված խոչընդոտների առաջացմանը.

3) պետք է լինեն օբյեկտիվորեն իմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տեքմինարանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառնության (ֆունկցիոնալ) նկարագրեր, որոնք պետք է

ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

Օրենքի 46-րդ հոդվածի 1-ին մասի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների հետ կապված բողոքներ քննող անձի գործողությունները (անգործությունը) և որոշումները:

Նույն հոդվածի 3-րդ մասի համաձայն՝ յուրաքանչյուր անձ իրավունք ունի սույն օրենքի համաձայն նախքան պայմանագրի կնքումը բողոքարկելու պատվիրատուի և գնահատող հանձնաժողովի գործողությունները (անգործությունը) և որոշումները գնումների հետ կապված բողոքներ քննող անձին:

Օրենքի 50-րդ հոդվածի 2-րդ մասի 2-րդ կետի համաձայն՝ եթե բողոքը ներկայացրած անձը բողոքարկում է՝ գնման առարկայի բնութագրերը, նախաորակավորման հայտարարության կամ հրավերի պահանջները, ապա բողոքը ներկայացվում է մինչև հայտերի ներկայացման վերջնաժամկետը:

Նույն հոդվածի 7-րդ մասի 1-ին կետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման.

Նույն հոդվածի 9-րդ մասի համաձայն՝ բողոքի քննությունը բաց է հանրության համար, բացառությամբ պետական գաղտնիք պարունակող գնումների: Բողոքն ստանալու օրվանից հաշված՝ մեկ աշխատանքային օրվա ընթացքում, այդ մասին գնումների հետ կապված բողոքներ քննող անձը հայտարարություն է հրապարակում տեղեկագրում:

Օրենքի 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը:

3. Բողոքի վերլուծությունը և պահանջը.

Այսպիսով, Պատվիրատուն << 22 ՖՆ-ԳՀՇՁԲ-19/8 >> ծածկագրով ընթացակարգի թիվ 1 հավելվածով՝ տեխնիկական բնութագրով գնման առարկայի բնութագրերը նկարագրելիս և դրա հատկանիշները սահմանելիս կոպտորեն խախտել է գնումների մասին 22 օրենսդրությամբ սահմանված պահանջները, մասնավորապես.

➤ 1-ին կետի վերաբերյալ.

Պատվիրատուն նշել է, որ 25 աշխատանքային օրվա ընթացքում հաղթող մասնակիցը պետք է վերանորոգի (ապահովի անխափան և նպատակային աշխատանքը) պահեստային մասում առկա թվով 4 (չորս) ապամոնտաժված և անսարք օդորակիչները:

Այս մասով ցանկանում ենք նշել, որ միայն այդ օդորակիչների ախտաքին զննության արդյուքնում հնարավոր չէ հասկանալ ինչ դետալներ չեն աշխատում, կամ ինչն է անհրաժեշտ փոխել, կամ միգուցե այդ օդորակիչները վերանորոգելը անհրա է: Այս պարագայում անհրաժեշտ է նախապես կատարել դիագնոստիկ աշխատանքներ, որը հանգեցնում է մինչև պայմանագրի կնքումը լրացուցիչ ծախսերի, որի միսկը կրում է մատակարարը: Այս պարագայում 25 աշխատանքային օր սահմանելը նման աշխատքների համար անհիմն է, ոչ օբյեկտիվ և չի կարող բավարարել այն կարիքին, ինչի համար հայտարարված է սույն գնման ընթացակարգը:

➤ 2-րդ կետի վերաբերյալ.

Պատվիրատուն նշել է, որ Ճառայություն մատուցողը պարտավոր է Պատվիրատուի կողմից ծանուցում ուղարկելուց հետո առավելագույնը 2 (երկու) աշխատանքային ժամվա ընթացքում մոտենա ծառայության մատուցման՝ ծանուցման մեջ նշված հասցե և վերանորոգի այն: Ընդ որում, տեղում վերանորոգումը պարտավոր է իրականացնել առավելագույնը 7 աշխատանքային ժամվա ընթացքում: Եթե կոնկրետ օդորակչի վերանորոգումը տեղում հնարավոր չէ կամ դրա տևողությունը գերազանցելու է 7 աշխատանքային ժամը, ապա ծառայություն մատուցողը պարտավոր է այցի օրվանից հաշված 1 աշխատանքային օրվա ընթացքում ապամոնտաժել խափանված օդորակիչը, դրա փոխարեն տեղադրել պահեստային մասում առկա վերանորոգված օդորակիչներից մեկը, իսկ ապամոնտաժվածը տեղափոխել վերանորոգման համար պահանջվող վայր՝ վերանորոգելով այն առավելագույնը 25 աշխատանքային օրվա ընթացքում:

Այս մասով ցանկանում ենք նշել, որ անհիմն և ոչ օրյեկտիվ Պատվիրատուի այն սահմանումը, որ առավելագույնը 2 (երկու) աշխատանքային ժամվա ընթացքում կազմակերպությունը պետք է մոտենա ծառայության մատուցման վայր, քանի որ տեխնիկական բնութագրում նշված է 3 վայր, որտեղ պետք է կազմակերպվի ծառայությունների մատուցումը, իսկ քաղաքային պայմաններից ելնելով հնարավոր չէ միաժամանակ ապահովել 3 վայրում մասնագետների ներկայությունը հենց 2 ժամվա ընթացքում: Բացի այդ, հնարավոր է, որ Պատվիրատուն ծանուցում ուղարկի աշխատանքային ժամի ավարտին մոտ, օր. ժամը 16:00-ին կամ 17:00-ին, իսկ այս պարագայում առավելագույնը 7 աշխատանքային ժամվա ընթացքում վերանորոգումը իրականացնելը դառնում է ոչ իրատեսական: Կարծում ենք, որ նման խտրական պայմանների սահմանումը չի կարող ապահովել գնման գործընթացի միասնական կանոններով մրցակցային ապահովմանը և մասնակիցների շրջանակի ընդլայնմանը: Բացի այդ, եթե կազմակերպությունը 7 աշխատանքային ժամվա ընթացքում չի կարողանում վերանորոգել օդորակիչը, ապա պետք է դրա փոխարեն տեղադրել այլ օդորակիչ, ինչը այս պարագայում կրկին հանգեցնում է ավելորդ չիմնավորված ծախսերի, քանի որ ամեն անգամ կողմը պարտավոր է /անկախ օդորակիչի բարձր հարկում լինելու հանգամանքից/ այն ապամոնտաժել, ապա տեղադրել նորը:

➤ Պատվիրատուն նաև նշել է, որ կատարված աշխատանքների ավարտից հետո՝ նույն օրը Ծառայություն մատուցողը պարտավոր է կազմել տեղեկանք կատարված աշխատանքների վերաբերյալ և ներկայացնել ՀՀ ֆինանսների նախարարության պատասխանատուի ստորագրմանը: Շնդ որում, ՀՀ ֆինանսների նախարարության պատասխանատուն ստորագրում է տեղեկանքը, եթե վերանորոգման արդյունքում օդորակիչը հնարավոր է օգտագործել նպատակային նշանակությամբ:

Այս մասով ցանկանում ենք նշել, որ վերոնշյալ դրույթի սահմանումը խտրական, ոչ իրավական է, չի կարող ապահովել միասնական մոտեցում մասնակիցների համար, քանի որ անհասկանալի է, թե ինչպես է Պատվիրատուն սահմանելու «նպատակային նշանակությամբ» օգտագործելու կրույթը: Այստեղ կարող է լինել այնպիսի իրավիճակ, որ կազմակերպությունը կատարի ահռելի ծախսեր, վերանորոգի օդորակիչը, կազմի տեղեկանք կատարված աշխատանքների վերաբերյալ և ներկայացնի Պատվիրատուին: Սակայն պատասխանատուն չստորագրի այդ տեղեկանքը, պատճառաբանելով, որ այն օդորակիչը, որը վերանորոգվել է, չի կարող օգտագործվել նպատակային նշանակությամբ: Իսկ այստեղ

պարզ չէ, արդյոք կատարված աշխատանքի համար կողմը վճարվելու է թե ոչ, թե պետք է սպասի այնքան, մինչև օդորակիչի օգտագործումը դառնա նպատակին:

➤ Պատվիրատուն տեխնիկական բնութագրով սահմանակ է նաև տարատեսակ տույժեր և տուգանք, տարբեր իրավիճակների համար: Տպավորությունը այնպիսին է, որ վերջինս տեխնիկական բնութագրեր կազմելիս ավելի շատ մտածել է տուգանքների սահմանելու մասին քան որակից և մատչելի ծառայություն ստանալու մասին: Բացի այդ, այդ սահմանված տուգանքները ինքնին հակասում է պայմանագրի նախագծով սահմանված տույժերի և տուգանքների սահմանումներին, իսկ եթե Պատվիրատուն ցանկանում է իրոք սահմանել դրանք, ապա անհրաժեշտ է այն նախատեսել պայմանագրի նախագծում, քանի որ նախագծի հիման վրա է կնքվում պայմանագիր, իսկ պայմանագիր նախագծում միայն կողմերի համաձայնության դեպքում կարող է կատարվել այնպիսի փոփոխություններ, որոնց չեն հակասում ՀՀ օրենսդրությամբ սահմանված նորմերին:

Այստեղ ստեղծվում է այնպիսի տպավորություն, որ սույն բնութագրեր-պայմանները գրված լինի այնպես, որ միայն մեկ մասնակից կարողանա մասնակցել սույն մրցույթին, քանի որ միայն այս դեպքում է հնարավոր դառնում 2 ժամվա ընթացքում մոտենալ Պատվիրատուի կողմից նշված վայր/երեք տարրեր հասցեներ/, 7 ժամվա ընթացքում կատարել օդորակիչի վերանորոգում՝ որը համապատասխան ստորաբաժանումը կհամարի նպատակային, և այդ ամենի արդյունքում որևէ տույժ և տուգանք չի կիրառվի: Եթե այդպիսի նպակատ է եղել, ուրմեն Պատվիրատուն կարող է կազմակերպել մրցույթ մեկ անձից գնման ձևով, այլ ոչ թե այլ մրցակցային:

➤ Պատվիրատուն նշել է, որ սույն տեխնիկական բնութագրի շրջանակում «օդորակիչ» հասկացությունն իր մեջ ներառում է օդորակիչները իրենց պատկանելիքներով (ներքին և արտաքին խողովակներ, կառավարման վահանակներ և ցանկացած այլ տեսակի սարքավորումներ, նյութեր, սովիչներ, դետալ, ֆրեոն զուգ և այլն):

Այս մասով հայտնում ենք, որ օդորակիչի վերանորոգման արդյունքում առանց միավոր գների բացվածքի սխալ է հաշվարկել և ներկայացնել միջինացված գին, քանի որ այդ պարագայում կարելի է վերանորոգել 5 օդորակիչ, և Պատվիրատուի կողմից նախատեսված գումարը չբավարարի այլ ծառայությունների մատուցման համար: Քանի դեռ կազմակերպություններից չի պահանջվել դետալների կամ ծառայությունների համար նախատեսված միավոր գնի հաշվարկ, Պատվիրատուն չի կարող ճիշտ հաշվարկ կատարել:

➤ Պատվիրատուն նշել է, որ այցի պահանջը ներկայացվում է էլեկտրոնային ծանուցմամբ և հեռախոսակապի միջոցով մասնակցի կողմից տրամադրված հեռախոսահամարին (հեռախոսահամարը պետք է լինի մշտապես հասանելի) գանգի միջոցով:

Այս մասով ևս ցանկանում ենք նշել, որ հեռախոսագանգի միջոցով մասնակցի հետ կապվելը չի կարող լիարժեք ապահովել այցի պատշաճ ծանուցման փաստը, քանի որ հեռախոսագանգը չի կարող համարվել պատշաճ ծանուցման ձև, և դա որևէ իրավական հետևանք չի կարող առաջացնել կողմերից որևէ մեկի համար:

➤ Պատվիրատուն նշել է, որ արդյունքի երաշխիքային ժամկետ է սահմանվում Շառայության արդյունքը Պատվիրատուի կողմից ընդունվելու օրվանից հաշված 180 օրացուցային օրը:

Այս մասով պետք է նշել, որ հնարավոր չէ ապահովել օգտագործված օդորակիչի վրա տեկուզ նոր դետալի փոխարինումը և դրա համար նախատեսել 180 օր երաշխիքային ժամկետ, քանի որ, այլ եին չաշխատող դետալիների առկայության պարագայում կարող է նաև վնասվել նոր փոխարինվածը: Երաշխիք հնարավոր է ներկայացնել միայն ամբողջությամբ նոր օդորակիչի համար, այլ ոչ թե եին օդորակիչի, որի վրա փոխարինվել է որևէ դետալ:

Վերոգրյալ իրավական հիմքերի և փաստական հանգամանքների վերլուծությունից հետևում է, որ էլեկտրական սարքերի, սարքավորումների վերանորոգման և պահպանման ծառայությունների ձեռքբերման նպատակով հայտարարված «ՀՀ ՖՆ-ԳՀՇՕԶԲ-19/8» ծածկագրով գնանշման ընթացակարգի գնահատող հանձնաժողովի և կողմից խախտվել է «Գնումների մասին» ՀՀ օրենքի 3-րդ, 7-րդ և 13-րդ հոդվածներով սահմանված պահանջները, քանի որ Ընթացակարգի հրավերում նման տեխնիկական բնութագրեր սահմանելով Պատվիրատուն մրցակցության հավասար պայմաններ չի ապահովել հնարավոր մասնակիցների համար, այլ նման բնութագրերը հանգեցնում է գնումների գործընթացում մրցակցության համար չիմնավորված խոչընդոտների առաջացմանը, օբյեկտիվորեն հիմնավորված և համարժեք չեն այն կարիքին, որի բավարարման նպատակով կոտարվում է տվյալ գնումը:

Ելնելով վերոգրյալից գնումների հետ կապված բողոքներ քննող անձին.

խնդրում եմ

Պարտավորեցնել ՀՀ ֆինանսների նախարարության կողմից էլեկտրական սարքերի, սարքավորումների վերանորոգման և պահպանման ծառայությունների ձեռքբերման

նպատակով հայտարարված <<ՀՀ ՖՆ ԳՀՇՁԲ-19/8>> ծածկագրով գնանշման հարցման
ընթացակարգի գնահատող հանձնաժողովին՝ փոփոխել Ընթացակարգի թիվ 5 հավելվածին՝
պայմանագրի նախագծին կից ներկայացված թիվ 1 հավելվածով՝ տեխնիկական բնութագիր-
գնման ժամանակացույցով նախատեսված ծառայության նկարագիրը և այն
համապատասխանեցնել գնումների մասին ՀՀ օրենսդրությամբ սահմանված պահանջներին:

Կից ներկայացնում ենք բողոքարկման վճարը կատարած լինելը հիմնավորող
փաստաթղթի պատճենը:

Առօրի 1 թերթ:

Հարգանքով՝

<<Անուշ Պետրոսյան>> Ա/Ձ